



UNMIK/REG/2005/10  
28 shkurt 2005

---

**RREGULLORE NR. 2005/10**

**PËR NDRYSHIMIN E RREGULLORES NR.2000/2  
MBI AKCIZAT NË KOSOVË**

Përfaqësuesi Special i Sekretarit të Përgjithshëm,

Në pajtim me autorizimin që i është dhënë me Rezolutën 1244 (1999) të Këshillit të Sigurimit të Kombeve të Bashkuara të datës 10 qershor 1999,

Duke marrë parasysh Rregulloren e ndryshuar të Misionit të Administratës së Përkohshme të Kombeve të Bashkuara në Kosovë (UNMIK) nr. 1999/1 të datës 25 korrik 1999 mbi autorizimin e Administratës së Përkohshme në Kosovë,

Duke vepruar në përputhje me Kornizën Kushtetuese për Vetëqeverisje të Përkohshme (Rregullorja e UNMIK-ut nr. 2001/9 e datës 15 maj 2001),

Pas shpalljes së Rregullores së ndryshuar të UNMIK-ut nr. 2000/2 për akcizat në Kosovë më 22 janar 2000,

Pas konsultimit me Këshillin Ekonomik dhe Fiskal,

Me qëllim të rritjes së akcizës në prodhimet e duhanit, të lirimit nga akciza të vajrave djegëse (mazutit) të cilat përdoren për nxemje dhe për prodhimtari dhe të futjes së dispozitës për eliminimin e akcizës 20% *ad valorem* në automjete,

Me anë të kësaj shpall:

Neni 1  
Ndryshimet

Duke filluar nga data e hyrjes në fuqi të kësaj Rregulloreje, shtojca A e Rregullores së ndryshuar të UNMIK-ut nr. 2000/2 zëvendësohet me shtojcën A të kësaj Rregulloreje.

Neni 2  
Ligji në fuqi

Kjo Rregullore shfuqizon çdo dispozitë të ligjit në fuqi, që nuk është në përputhje me të.

Neni 3  
Hyrja në fuqi

Kjo Rregullore hyn në fuqi më 1 mars 2005.

Søren Jessen-Petersen  
Përfaqësues Special i Sekretarit të Përgjithshëm

**SHTOJCA A**  
**MALLRAT QË I NËNSHTROHEN AKCIZAVE DHE TARIFAT PËRKATËSE**

<b>Përshkrimi i mallit</b>	<b>Shifra</b>	<b>Tarifa e taksës</b>
Kafja e papjekur	0901 1100 0901 1200	30%
Kafja e pjekur	0901 2100 0901 2200	30%
Zëvendësimet e kafesë që përmbajnë kafe	0901 9090	30%
Ujërat, duke përfshirë ujërat minerale dhe të ajrizuara, të cilat përmbajnë sheqer të shtuar a ndonjë materie tjetër ëmbëlsuese apo që janë me shije, si dhe pijet e tjera joalkoolike, duke mos përfshirë lëngjet e frutave apo të perimeve nga kaptina 2009.	2202	10%
Birra e prodhuar nga malti	2203	0,15 €/lit
Verërat nga rrushi i freskët, duke përfshirë verërat me përmbajtje të shtuar të alkoolit; mushti i rrushit, përpos atij nga kaptina 2009	2204	0,20 €/lit
Vermuti dhe verërat e tjera nga rrushi i freskët me shije të bimëve apo të substancave aromatike	2205	0,20 €/lit
Pijet e tjera të fermentuara (për shembull mushti i mollës apo i dardhës, pije alkoolike nga fermentimi i mjaltës); përzierjet e pijeve të fermentuara dhe përzierjet e pijeve të fermentuara e të pjeve joalkoolike, të cilat nuk janë cekur ose përfshirë diku tjetër	2206	0,15 €/lit
Etil alkooli i padenaturizuar me përqindje të alkoolit prej 80% apo më të lartë; etil alkooli dhe pijet e tjera alkoolike të denaturizuara të cilësdo përqindje alkoolike	2407	1,00 €/lit alk
Etil alkooli i padenaturizuar me përqindje të alkoolit prej më pak se 80%; pijet alkoolike, likerët dhe pijet e tjera alkoolike	2208	1,00 €/lit alk
Cigaret, cigaret e prera dhe cigarillosët, të cilat përmbajnë duhan	2402 1000	1,00 € për një njësi konvencionale <sup>(1)</sup>
Cigaret që përmbajnë duhan	2402 20	17,00 € për një njësi konvencionale <sup>(1)</sup>
Prodhimet e tjera të përpunuara të duhanit dhe zëvendësimet e përpunuara të duhanit; duhani i “homogjenizuar” apo “i ribërë përmes përpunimit”; ekstraktet dhe esencat e duhanit	2403	17,00 € për një njësi konvencionale <sup>(1)</sup>

Vajrat dhe prodhimet e tjera të destilimit të katranit të thëngjillit në temperatura të larta; produktet e ngjashme, në të cilët pesha e përbërësve aromatikë është më e madhe se e përbërësve joaromatikë	2707	0,275 €/lit
Vajrat e petroleumit dhe vajrat e përfituara nga mineralet bituminoze (përpos naftës së papërpunuar); produktet që nuk janë cekur apo përfshirë tjetërkund, të cilat përmbajnë në peshë 70% apo më shumë vajra të petroleumit apo vajra të përfituara nga mineralet bituminoze, ku këto vajra janë përbërësit kryesorë të produktit (përpos vajrave të përdorura), me përjashtim të alkoolit për motorë, karburantit të llojit të alkoolit për motorë reaktivë dhe të vajrave të tjera të lehta (shifrat 2710 1131 deri 2710 1190) dhe vajrat për nxemje (mazuti) nën shifrat 2710 1951 deri 2710 1969, të cilat përdoren nga objektet për nxemje të qarkut për qëllime të nxemjes dhe nga personat e entitetet për qëllime të prodhimitarisë	2710 11 dhe 2710 19	0,275 €/lit
Alkooli për motorë, karburantet e llojit të alkoolit për motorët reaktivë dhe vajrat e tjera të lehta	2710 1131 deri 2710 1190	0,30 €/lit
Hidrokarburet aciklike	2901	0,275 €/lit
Hidrokarburet ciklike	2902	0,275 €/lit
Produktet kundërdetonuese, inhibitorët e oksidimit, inhibitorët e ngjitjes, përmirësuesit e viskozitetit, produktet antikoroze dhe aditivët e tjerë të prodhuar për vajrat minerale (duke përfshirë benzinën) apo për lëngjet e tjera, të cilat përdoren për qëllime të njëjta si vajrat minerale	3811	0,275 €/lit
Tretësit kompozit organik dhe holluesit, të cilët nuk janë cekur a përfshirë diku tjetër; holluesit e prodhuar të ngjyrës apo të llakut	3814	0,275 €/lit
Alkilbenzenët e përzier dhe alkilnaftalenët e përzier, përpos atyre nga kaptina 2707 apo 2902	3817	0,275 €/lit
Veturat dhe automjetet e tjera motorike parimisht të disajnuara për transport të personave (përpos atyre nga kaptina 8702), duke përfshirë veturat karavan dhe veturat për gara	8703	Deri më 19 mars 2005: 20% + 500 € për çdo automjet Duke filluar nga 20 marsi 2005: 500 € për çdo automjet

<sup>1</sup> Përkufizimi i “njësisë konvencionale” për këto pika gjendet në nenin 1 të Rregullores së UNMIK-ut nr. 2003/23 për akcizat në prodhimet e duhanit në Kosovë të datës 25 qershor 2003,